



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 15. Rudolphus Ecclesiæ Romanæ jura confirmat.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII. num. militarium Equites, nimirum Tem-
A.C. 1278. plarios, Teutonicosque, ac Hospitalarios
 concitaturum esse.

§. XV.

*Rudolphus Ecclesiæ Romanæ jura
 confirmat.*

Papa Nicolaus jam inde ab initio sui pontificatus magnam gerebat curam firmandi, amplificandique temporalia Ecclesiæ Romanæ per Italiam jura tam apud Rudolphum Romanorum Imperatorem, quam apud Carolum Siciliæ Regem. Ad Rudolphum quod attinet, omnes Imperatorum donationes ratas habuit secundum tractationem hujus rei per Gregorium X in Lugdunensi concilio inchoatam: & hoc sine Conrado Tubingano Fratrum Minorum Ministro per Germaniam Superiorem Provinciali amplam dedit potestatem confirmandi omnia, quæ cum Gregorio acta erant, & consentiendi, ut Ecclesia Romana adiret possessionem bonorum omnium illis donationibus contentorum. Procuracionem 19 Jan. an. 1278 Conrado detulit. Qui proinde Romam profectus, ibi 4. Maji coram Papa & duodecim Cardinalibus muneri suo fecit satis.

Rayn. n. 45.

n. 47. 48. &c.

At interea Rudolphus Regis Romanorum Cancellarius in Italiam ad Imperii jura ibi recuperanda missus multis in urbibus Status Ecclesiastici, inter alias Bononiæ, Fori-Cornelii, Faventiæ, Fori Livii, Cesenæ, Ravennæ, Arimini, Urbinique Regi fidelitatis jusjurandum dicitur curavit. Cum Papa hac de re conquestus esset, Rex Rudolphus Cancellario suo contradicens, illi Godefridum Soliensem in diocesi Salisburgensi Præpositum, suum Archigrammateum (Protonotarium vocant) misit, qui Viterbii in frequente Senatu pontificio Regis Rudolphi nomine juramenta his in urbibus edita declaravit nulla, easque ad Romanam Ecclesiam pertinere agnovit. Tabulas publicas dedit 30 Jun. an. 1278.

Harum urbium & totius Regionis Æmiliæ possessionem capturus Papa eo Legatum misit suum nepotem Latinum Cardinalem Episcopum Ostiensem. Cognatos enim suos magnopere amabat, dicebaturque post boni exempli vitam in juventute sua, immo etiam in purpura ductam, eorum persuasu, ut fortunis aufererent, magna suscepisse molimina usque ad sacrorum nundinationem, ita, ut modico, quo vivebat, tempore illos fundis, arcibus, ac præsentem pecunia ditiores omnibus Romanis redderet. Præterea, ut ajebant, Regem Rudolphum, ut

Sæcul. XIII.
A. C. 1278.

n. 51.

n. 53.

n. 55.

Sæcul. XIII.
A.C. 1278.

Malefp.
c. 204.

Rayn. n. 57.

ut Bononiam ipsi ac Æmiliam (Romaniam vocant) cederet, solverat religione voti terram petendi sacram, pœnaque, in quam is incurrerat, illi non faciens latis. Ita loquitur Ricordanus Malespinus Florentinus illius temporis scriptor. Ut autem Rex Rudolphus de Romanæ Ecclesiæ jure in Æmiliam, urbesque in quæstione positas penitus edoceretur, Papa ei misit exempla seu apographa jurium suorum, nempe donationis, quam Imperator Ludovicus Pius fecerat, & confirmationum, quas Otto I & S. Henricus dederant, postquam earum archetypa Fratri Conrado Rudolphi Procuratori monstraverat.

§. XVI.

Fœdus cum Carolo Rege Siciliae.

Rayn. n. 64.

n. 66.

Quod spectat ad Regem Siciliae Carolum, Papa Nicolaus Regem Rudolphum monuit, ut fœdus cum illo percuteret; ac hoc sine Fratrem Conradum Romæ retinuit, cui Religioso Rudolphus reapse 5 Sept. an. 1278 hanc pactionem ex Papæ arbitrio conficiendi potestatem plenam dedit, junxitque suum Archigrammateum Godefridum eadem facultate præditum. Inter alias condiciones postulatum est, ut Carolus Imperii Vicarius per Hetruriam esse desineret secundum